

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



PRESS RELEASE

যুক্তরাষ্ট্র সরকারের আর্থিক সহায়তায় কার্বন ট্রেডিং-এ অর্থায়নের ওপর ঢাকায় কর্মশালা

ঢাকা, ২৮শে অক্টোবর -- যুক্তরাষ্ট্র সরকারের অর্থায়নে “বিশ্ব জলবায়ু পরিবর্তন এবং কার্বন ট্রেডিং-এ অর্থায়ন: বাংলাদেশের উপায়সমূহ” শীর্ষক দুই দিনব্যাপী এক কর্মশালা আজ ঢাকায় শুরু হয়েছে। বাংলাদেশে যুক্তরাষ্ট্রের রাষ্ট্রদূত জেমস এফ. মরিয়াটি এবং পরিবেশ ও বন প্রতিমন্ত্রী ড. হাসান মাহমুদ এই গুরুত্বপূর্ণ কর্মশালা উদ্বোধন করেন। কর্মশালায় অংশগ্রহণকারীরা বাংলাদেশে কার্বন ট্রেডিং-এ অর্থায়নের জন্য দারিদ্র্য বিমোচন ও জীববৈচিত্র্য সংরক্ষণে নির্গমন হ্রাস, অভিযোজন ক্ষমতা বৃদ্ধি এবং ভূমির উন্নত ব্যবহারের ক্ষেত্রসমূহ চিহ্নিত করবে। বাংলাদেশ সরকার, জাহাঙ্গীরনগর বিশ্ববিদ্যালয় এবং ইন্ডিপেন্ডেন্ট ইউনিভার্সিটি অব বাংলাদেশের সহযোগিতায় ‘ইউএসএআইডি’র ‘সমন্বিত সংরক্ষিত এলাকা সহ-ব্যবস্থাপনা’ বা ‘আইপিএসি’ প্রকল্প এবং ‘যুক্তরাষ্ট্র ফরেস্ট সার্ভিস’ এই কর্মশালার আয়োজন করেছে। এই কর্মশালা সংরক্ষিত এলাকা সহ-ব্যবস্থাপনা এবং সংরক্ষণের জন্য সক্ষমতা বৃদ্ধি প্রয়াসের একটি অংশ।

‘ইউএসএআইডি’র মাধ্যমে যুক্তরাষ্ট্র সরকার বাংলাদেশের মানুষ বিশেষত হত-দরিদ্রদের জীবনমান উন্নয়নে কাজ করে যাচ্ছে। ‘ইউএসএআইডি’ বাংলাদেশে পাঁচটি বৃহত্তর পরিসরে কর্মসূচি পরিচালনা করে থাকে। এগুলো হচ্ছে -- স্বাস্থ্য ও প্রাক-প্রাথমিক শিক্ষার উন্নয়ন, গ্রামীণ দরিদ্র জনগোষ্ঠীর জন্য আয়ের সুযোগ সৃষ্টি, সুশাসনে সহায়তা, খাদ্য নিরাপত্তা বৃদ্ধি এবং দুর্যোগ মোকাবেলা প্রস্তুতি জোরদার করা ও প্রাকৃতিক দুর্যোগ পরবর্তী জরুরি সহায়তা প্রদান। যুক্তরাষ্ট্র সরকার ১৯৭১ সাল থেকে বাংলাদেশকে এ পর্যন্ত শেষ’ কোটি ডলারেরও বেশি প্রদান করেছে। ২০০৯ সালে যুক্তরাষ্ট্রের সহায়তার মোট পরিমাণ দাঁড়াবে প্রায় ১৮ কোটি ডলার।

=====

জিআর/২০০৯

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৮, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।